

## findet Herberg vnd vnderhaltung in allen Landen.

Wann dann / gnediger Herz / ich mir auch vorge-  
nommen / in meinem Mathematischen vnd Mechani-  
schen studio das beste / so mir möglich zu thun / so zweif-  
fel ich auch keines wegs / es werden diese / doch jetzt im  
Elend verjagte Künste / auch ihre Herberg vnd vnder-  
haltung finden. Dieweil ich nun auch in diesem Tra-  
ctat in der kürze vom Vacuo zu handeln mir vorge-  
nommen / darzu mir dann die Luftkünste / als ein Fun-  
dament derselben anleytung gegeben / auch ein geringe  
zeit darmit / als der sonstigen dieser sachen wenig erfah-  
ren / vnd auß mangel der Sprachen / andere Autho-  
res nicht gelesen / oder verstehen kan / vmbgangen. Als  
hab ich auch nicht vnderlassen können meine Meynung  
auff das Papier zu bringen / vnd Ewer Gnaden / als die  
am besten von dieser Sachen zu iudicirn wissen / vnder-  
thenig zu dedicirn vnd zu vnderwerffen. Vnd weil ich  
auch anderer Meynung vnberichtet / sondern nur mei-  
nen Gedancken nachkommen / als bin ich willig / so ich  
etwa in einem. oder dem andern eines bessern berichtet /  
meine Meynung fahren zu lassen.

Wann ich auch / wegen anderer seziger meiner  
Amptsgeschäften / wenig zeit hierzu gehabt / als wil ich

A iij

gleich